

Forskrift 19. oktober 2023 om folkevalde sin rett til godtgjering og utgiftsdekking i Alver kommune. Fastsett av Alver kommunestyre dato med heimel i lov 22. juni 2018 nr. 83 om kommuner og fylkeskommuner (kommunelova) §§ 8-3, 8-4, 8-6 og 8-10.

§ 1 Føremål

Forskrifta skal leggje til rette for brei rekruttering til kommunalt tillitsvern gjennom økonomiske ordningar som gjer det mogeleg for alle å delta i lokalpolitikken.

§ 2 Rett til dekking av utgifter og økonomisk tap

Den som har tillitsvern i Alver kommune, har rett på:

- a) Skyss, kost- og overnattingsgodtgjersle for reiser i samband med vervet
- b) Dekking av utgifter som følgje av vervet, også utgifter til naudsynt barnepass og andre omsorgsoppgåver man i samband med vervet ikkje sjølv kan utføre.
- c) Erstatning for tapt inntekt som følgje av vervet.

Krav skal settast fram for kommunen så raskt som mogeleg og seinast innan 90 dagar etter at kravet oppstod. Krav skal dokumenterast. Krav etter første ledd bokstav b eller c som ikkje kan dokumenterast, dekkes berre dersom utgiftene eller tapet er sannsynleggjort på anna måte.

§ 3 Utmåling av utgifter og økonomisk tap

Godtgjering for skyss, kost og overnatting etter § 2 første ledd bokstav a gis etter dei til ein kvar tid gjeldande satsar i kommunes reiseregulativ.

Utgifter etter § 2 første ledd bokstav b dekkes med inntil kr. 880,- ~~750~~ per møte/dag for legitimerede krav.

Tapt inntekt etter § 2 første ledd bokstav c erstattast med inntil kr. 5.870,- ~~5.000~~ per dag for dokumentert tap. Tapet skal dokumenterast av arbeidsgjevar. Arbeidsgjevar som ikkje trekker arbeidstakar i løn kan tilsvarende krevje brutto utgifter til løn frå kommunen.

Sjølvtendig næringsdrivande kan krevje erstatning for inntektstap. Tapet skal dokumenterast med siste tilgjengelege skattemelding. Ikkje legitimert tap av inntekt vert erstatta med inntil kr. 1 175,- ~~1.000~~,- per dag. Det er ei føresetnad at møte er halde på eit tidspunkt der vedkomande må ta fri frå sitt daglege arbeide for å delta og at det vert oppgjeve kva tapet refererer til.

§ 4 Arbeidsgodtgjering til ordførar og varaordførar

Ordførar sin godtgjersle er fastsett til 100 % og varaordførar til 60 % av Stortingsrepresentanten sin godtgjersle. Ordførar er frikjøpt 100 % og varaordførar er frikjøpt 60 %. Godtgjersla vert justert årleg i samband med stortingsrepresentantane sin godtgjersle, gjeldande frå 1. mai. Ordførar og varaordførar har rett på 5 ukar ferie utan trekk i den faste godtgjersla. Ordførar og varaordførar har krav på ettergodtgjersle ved utløp av valperioden i inntil 3 månader. Ettergodtgjersle skal stoppast når dei trer inn i ny eller utviding av eksisterande stilling. Ordførar og varaordførar skal ikkje ha anna særskilt møtegodtgjersle i kommunale organ.

Godtgjersla til varaordførar dekker og perioden ordførar har ferie. Ved annan samanhengande teneste over to veke på full tid som ordførar, er godtgjeringa lik ordførar sin.

§ 5 Arbeidsgodtgjering til medlem i kommunestyre, formannskap og utval

Den som har tillitsvern i Alver kommune, har krav på godtgjering for sitt arbeid etter følgjande satsar:

Tillitsverv	Godtgjering i % av ordførargodtgjersla
Medlem formannskap/utval	Fast 2,4 % per år
Medlem kommunestyre, formannskap og utval	0,16 % per møte
Varamedlem kommunestyre, formannskap og utval	0,16 % per møte
Gruppeleiar	0,58 % + 0,27 % per partimedlem i k-styre
Leiar for utval for oppvekst, kunnskap og kultur	Fast 8,8 % per år
Leiar for utval for helse og omsorg	Fast 8,8 % per år
Leiar for utval for levekår	Fast 10 % per år
Leiar for utval for areal, plan og miljø	Fast 11,7 % per år
Leiar for utval for næringsutvikling og drift	Fast 8,8 % per år
Leiar for kontrollutval	Fast 5,8 % per år
Leiar andre nemnder og råd	0,24 % per møte
Medlem/varamedlem andre nemnder og råd	0,09 % per møte
Medlem valstyret	0,12 % per møte
Leiar ungdomsråd	0,04 % per møte
Medlem/varamedlem ungdomsråd	0,03 % per møte
Annan representasjon	0,11 % per møte

Fråvær frå møte i utval med fast godtgjering ut over ¼ av dei faste møta, vert årsgodtgjersla redusert tilsvarande fråværet. Dette gjeld for kommunestyret, formannskapet og utval. Reduksjonen gjeld uavhengig av grunn til fråvær.

Der fleire utval er samla i eit møte. Kan tillitsvalde berre mota godtgjering for eit møte. (Erstattar tidlegare setning: Der utval tek i vare mandat til fleire utval, og er personidentisk med desse vert det berre utbetalt godtgjersle for eit utval). Tilsvarande vert det ikkje utbetalt dobbel tapt arbeidsgodtgjering/løn.

Variabel møtegodtgjersle vert utbetalt kvartalsvis og faste godtgjersler vert utbetalt månadleg.

§ 6 Anna godtgjering til ordførar og varaordførar

- a) PC, nettbrett og fri smarttelefon, inkludert bruk.
- b) Same regler som for tilsette i Alver kommune i høve sjukepengar, forsikrings- og pensjonsordningar

§ 7 Anna godtgjering til fast medlem i kommunestyre, formannskap og utval.

Faste medlem i kommunestyre, formannskap og utval kan velje om dei vil ha kommunal PC/nettbrett eller utbetalt kr. 1.175,- ~~1.000,-~~ per år for bruk av privat PC/nettbrett.

§ 8 Iverksetting

Forskrifta gjeld frå 19.10.2023